

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 09.01.2018թ. թիվ 1807401933 որոշումն անփոփոխ, իսկ վարչական բողոքն առանց բավարարման թողնելու մասին

<< 21 >> 02 2018թ. 174-7819-18/174-2540

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ա.Հակոբյան, վերանայելով Արշակ Բաբայանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Անդրանիկի փողոցի 82 շենքի 28 բնակարանի բնակիչ Արշակ Բաբայանը ճանապարհային ոստիկանությանը հասցեագրած դիմումով խնդրել է վերանայել Ճանապարհային ոստիկանության վարչական տույժ նշանակելու մասին 09.01.2018թ. թիվ 1807401933 որոշումը՝ նշելով, որ շփոթված է եղել: Պահանջը մերժելու դեպքում, դիմումատուն խնդրել է տուգանքի գումարի վճարումը տարաժամկետով 6 ամսով:

Դիմումի քննարկման արդյունքում պարզվել է, որ դիմումատուի փաստարկն անհիմն է և վարչական ակտը վերանայելու հիմք չի կարող հանդիսանալ հետևյալ պատճառաբանությամբ.

Ճանապարհային ոստիկանության վարչական տույժ նշանակելու մասին 09.01.2018թ. թիվ 1807401933 որոշման հիմքում դրված տեսանյութից հստակ երևում է, որ 25.12.2017թ. ժամը 14:12-ին Երևան քաղաքի Սեբաստիա - Ա.Վենգեր փողոցների խաչմերուկում <<GAZ 322132>> մակնիշի տրանսպորտային միջոցը կանգնած է լուսացույցի արգելող ազդանշանի ներքո, իսկ դիմումատուին պատկանող տրանսպորտային միջոցը չի ենթարկվում այդ ազդանշանին՝ առաջ անցնելով նրանցից:


Այսպիսով դիմումատուի արարքում առկա են Վարչական իրավախախտումների վերաբերյալ ՀՀ օրենսգրքի 124.3-րդ հոդվածի 2-րդ մասի հատկանիշները, ինչի համար սահմանված է տուգանք՝ 50.000 ՀՀ դրամի չափով, ուստի նրան վարչական պատասխանատվության ենթարկելու մասին որոշումն օրինական է և իրավաչափ:

Միաժամանակ, նկատի ունենալով, որ դիմումատուն Վարչական իրավախախտումների վերաբերյալ ՀՀ օրենսգրքի 305-րդ հոդվածի 2-րդ մասով սահմանված ժամկետում դիմել է տուգանքների գումարի վճարումը տարաժամկետով խնդրանքով, ուստի այն ենթակա է բավարարման:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 09.01.2018թ. թիվ 1807401933 որոշումը թողնել անփոփոխ, իսկ վարչական բողոքն առանց բավարարման:
2. Ճանապարհային ոստիկանության վարչական տույժ նշանակելու մասին 09.01.2018թ. թիվ 1807401933 որոշմամբ նշանակված տուգանքի գումարի վճարումը տարաժամկետով 6 ամսով:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Արշակ Բաբայանին և ՃՈՒ ՏՄՀԽԱ կենտրոն:



Ե.Վարապետյան